



UNIVERSITÄTS-
BIBLIOTHEK
PADERBORN

Universitätsbibliothek Paderborn

Das new Testament recht grüntlich teutsch

Luther, Martin
Straßburg, 1524

VD16 B 4346

Das. VI. Capitel.

urn:nbn:de:hbz:466:1-34848

Der Apostel.

waren vmb seines namens willen schmach leiden / vnd horet nicht vff alle tag im tempel vnd in allen heuseren / zu leren vnd in predigen das Evangelion von Jesu Christo.

Das VI. Capitel.

A den tagē aber da sich die jünger mereten / erhüb sich ein murren vnder den Kriechē wid die Ebrer / darumb das ire witwen übersehē wurden in der tegliche handtreychen / Da rüfften die zwölffe / die menge der jünger zusamen / vnd sprachē / Es taugt nicht / das wir das wort gottes vnder lassen vñ zu tischen dienen / drumb jr lieben brüder besehent vnder eüch sybē männer die da rümbt seind / das sie voll heyliges geysts vnd weisheit seind / welche wir bestellen mügen zu diser notturfft / wir aber wollen anhalte am gebett vñ ampt des wort gottes / Vnd die rede gefiel der ganzen menge wol / vnd weleten Stephanon ein man voll glaubens vñ heyliges geysts / vnd Philippon vnd Prochoron / vnd Nicanor vnd Timon vnd Parmenas / vñ Nicolaon den Judgenossen von Antiochia / dise stelleten sie für die Apostel vnd bettetten vnd legten die hend vff sie.

Vnd das wort gottes wuchs / vñ die zal der jünger meret sich seer zu Hierusalem / Es wurden auch vil priester dem glauben gehorsam / Stephanus aber voll glaubens vnd krefften / that vñ under vnd grosse zeychen vñ vnder dem volck / Da stunden etliche vff vñ der schüle / die da heisset der Libertiner / vñ der Cyrener vñ der Alexanderer / vñ derer / die von Cilicia vñ Asia waren / vñ befragten sich mit Stephano / vñ sie vermueten nit widerzusteen der weisheit vñ geyst / auß welchem er redet / Da rüfften sie zu etliche männer / die sprachē / wir haben in gehoret lesterwort wider Mosen vñ wider gott / vñ bewegten das volck vñ die Ältesten vñ die schrifftgeleerten / vñ tratten erzū / vñ rissen in hin / vñ fürēt für radt / vñ stelleten falsche zeugen dar / die sprachē / Diser mensch höret nicht vff zu reden lesterwort wider dise heilige statt vñ das gesetz / denn wir haben in horet sagē. Jesus von Nazareth wirt dise statt zerstoē vñ enderen die sytten / die vns Moses geben hat / vñ sie sahē vff in alle die ir radt sassen / vñ sahen sein angesicht wie eines Engels angesicht.

Das VII. Capitel.

²
Gene. 12

Dis sprach der hohe priester / ist denn also: Er aber sprach / Lieben brüder vñ vätter / horet zu Gott der herligkeit erschein vnserem vatter Abraham / da er noch inn Mesopotamia war / ee er wonete im land Haram / vñ sprach zu im / Gang auß deinem land vñ auß deiner freischaft / vñ zieh inn ein ander landt / das ich dir zeygen will / Da gieng er auß dem land der Chaldeer / vñ wonet in Haram / vñ von dannen da sein vatter gestorben war / bracht er in herüber inn dis landt / da

nun in wo